

橫雲山人集

橫雲山人集卷之十

雲間王鴻緒儼齋撰

望雲集

飲馬長城窟行

皎皎當窓月鑒我羅幃清羅幃自孤照萬里同一
明此時關塞上正動思歸情玉關杳難入香閣何
爲生愁對流黃色蟾光空復盈

送友人歸津門

春風傷別離把酒不能語子唱滄浪歌扁舟渺沙
渚遙望水雲重安知釣魚處

訪友不遇

徑引松林密步隨幽澗長山深白雲多照我衣袂
光攀躋日亭午花裊谿風涼石室閒無人古書閒
妙香

門有車馬客行

門有車馬客何來苦寒鄉言期事明主躋世虞與
唐枉尋慮喪已是用懷孤芳孤芳秀空谷葉葉含
輝光香氣只在抱詎得從風揚穠彼桃與李繁花
嬌艷陽絢采奪人目遊冶爭翱翔世情悅顏色幽
貞匪所臧匪臧可若何忖物還自量不忍改初度

去住心徬徨

艷歌行

鳴雁何雖雖旭日升高堂夫婿肅再拜御車登周
行俟門揖以入鼓樂聲鏗鏘新婦年十五顏若桃
李光頭上何所飾爵釵耀琳琅耳上何所珥鸞葉
垂明璫身上何所服羅衣繡鴛鴦腰下何所束錦
帶丹霞裳脚下何所履金鳳凰楣貼千春勝
案列百年觴翁姑爲我喜蘋藻潔宮筐親黨爲我
喜釜鼎烹牛羊夫婿爲我喜挾瑟招由房一彈復
三歎操彼關雎章歡情常若茲白頭寧見傷

送友歸吳

似爾才應達如何遇却稀不知春乍至早送客先
歸顏向塵中老花隨行處飛吳江清見底到日浣
征衣

相逢行

騎馬出國門謁見朝日暎倏忽雲墨色驟雨翻銅
盆我馬苦泥沒四蹄聲摺摺性命絕可憐峻坂詎
敢越躊躇道傍久千騎遇良友同車載入關懼索
下而走間行迷大川解衣佐刺船世事固若此憂
患何時捐

善哉行

四序若轉轂涼燠各一時草木有遞變華落多殊
姿人固百其心愛憎寧不移雞鳴咏靜好所以載
風詩憶昔初結帙懽喜兩不持遽言遠行役三年
杳莫知聞君客京國白馬黃金羈貂蟬冠上飾魚
珮腰間垂朝回出長楸道路生光儀君有萬里樂
妾有萬里思深閨盼鴻雁忽寄雲中詞上言久無
恙下言永不欺茂陵絕私聘章臺罕宴嬉反覆繹
厥旨墮淚如連絲感君故意深不殊初見時

城南看花

鳳皇城南春花稠鳳皇城中人出遊嬌紅嫩白秀
可掬沽酒却憶江南樓江南此時花如海鈿車盡
舫花間待勝賞於今隔二年風塵已覺朱顏改

春日同人酌慈仁寺花下

何處百花明春風滿化城枝濃香氣重葉淺翠烟
輕倚石斜分席開奩且拂枰日長多勝事小酌有
餘情

其二

白晝珠林靜繁花選佛場攀條還解笑倚檻爲誰
芳鶯愛光風囀蜂耽蜜釀忙若非同茗芋底事覓

春償

上巳同人集金魚池

祓禊崇元巳簪裾集水濱
筵開還繞岸杯泛不驚鱗
蘭草貽溱畔珠鈿憶灞津
流風傳古意景物倍宜人

其二

花底張雲幔風光滿碧汀
一杯同洛禊曲水即蘭亭
濠上真堪樂林中豈獨醒
嘯歌容我輩不藉管絃聽

送友還鄉

四月青門別垂楊壓御堤群鶯當酒度征馬踏花
嘶賣賦充持笈還山傲杖藜鄉書愁懶作倚醉向
君題

其二

羨爾翩然去高堂奉老親琴書三畝宅漁釣五湖
人竹筍春天綠瓜花夏雨新故園幽興滿愁隔帝
京塵

其三

祇被微名縛尊鱸憶未歸夢隨青草遍心向白雲
依郎署相如渴金門曼倩饑贈君無一物把酒濕

征衣

其四

萬國雖戎馬休嗟道路難
聖人真奮武大將快
登壇廊廟虛前席乾坤穩釣竿還家親串在一一
語平安

登寺閣

傑閣層霄上憑欄曉色分
城頭山積翠郭裏樹浮
雲日麗珠光迥風清寶鐸聞
無生應可悟一展貝
多文

其二

梵刹何年造花幡寶樹懸喜開靈鷲雨遠眺薊門
烟蓮擁三千界輪飛尺五天官閒逢勝地隨意學
逃禪

三徑

門庭人事簡三徑草丰茸養疾趨朝懶攤書向午
慵鄉音思北雁窓翠借西峰寂莫揚雄閣何如石
戶農

題畫

天際蒼松洞府開閒看青嶂到瓊臺石梁斜度春
山靜應有仙人控鶴來

其二

青城寶籙帶天香
瓢貯丹砂歲月長
試叩玉童尋閬苑
白雲深處似華陽

送友歸杭州

送子翩然去
琴書返越鄉
梅探孤嶼月
楓愛斷橋霜
幽賞應無極
懷人興莫忘
倘裁招隱賦
北雁正成行

送友歸吳興

春水碧浮天
寒光滿雪川
蒲濃堪把釣
月白好乘船
我有雲泉僻
今爲簪紱牽
何時得歸隱
招子五

湖邊

其二

少有臨池興蹉跎愧未成每懷修稷帖不減孟堅
情子往卞山下依然霅水清若逢未損本爲我寄
天京

送友之濬縣任

楊柳拂金溝旗亭控紫驄送君成遠別使我欲言
愁驛樹迷晨蓋淇泉及早秋栽花尋往蹟可否弔
枋頭

其二

春風千里去烟樹接黎陽唐宋經屯戍袁曹作戰
場中原還格鬪閭左尚遺瘡及此承平日鳩民藝
稻梁

送友叅軍幕

王師十萬騎靖寇下荆湘到日殲蛇豕無煩破斧
斨輕裘叅幕府長嘯定炎荒露布須磨楯毋稽奏
捷章

遊某氏園

出郭紅塵少芳郊望眼開一林成澗壑數畝具亭
臺看竹何須主臨流獨把杯柳濃鶯乍轉花暖蝶

頻來畫壁虛含霧雕闌半拂苔
編籬多宛轉步屨任徘徊
園犬能依客山鷄不畏媒
雲光生紫翠樵唱出紆迴
即此堪容膝應知有鑿坏
尋幽方興劇無奈夕陽催

送友歸延陵

上書不得意歸臥九龍陂
漫作經年別安知後會期
征輪催客夢官柳掛鄉思
把釣荆溪畔游鱗好寄辭

楊柳詞

春明門外碧絲絲
短葉長條漾曉颺
自是行人留

不得折殘金縷更誰知

其二

掩映郊原接遠空無窮烟雨共冥濛江南塞北年
年恨都在河橋一別中

其三

荏苒黃雲欲雪天風流那得及春前樹猶如此人
何似惆悵靈和憶往年

送友隨征四川

劒閣千重峻懸軍入阻難裹氊緣鳥道轉粟上雲
端蟻衆方憑險蠶叢豈彈丸囊中黃石法好爲計

除殘

其二

劉禪終銜璧公孫且洞曾矧茲螳臂力曷禦虎牙
鋒早渡三巴水重清兩劍峯相如工草檄灑筆壯
軍容

燕京雜感

幽燕建國元明始一統車書聖代同紫塞萬山
皆拱北渾河千折自流東圖開督亢川原壯戍列
重關壁壘雄天府崢嶸強百二莫誇周鼎奠秦中
其二

禁垣東列小南城鳳輦歸來故國情一載瓊廬侵
月冷六年金殿鎖秋清武功半夜重門啓忠肅丹
心萬古明異代君臣俱逝水蒼龍門外賸啼鶯

其三

世宗齋殿切雲端羽士星旗醺夜闌白鶴幾經騰

碧漢

醺辰白鶴四十餘翔空中

蟠桃還報餉瑤壇

桃降御幄羣臣賀

上

真符禦邊庭寇

僉答有警虞事法壇

徽冊金泥絳闕官

三十年

上睿皇帝及獻皇后法主等號

莫悵鼎湖留不得塵揚瀛海已無

瀾

其四

瓊華仙島液池邊玉竦雙垂繡榜懸廣殿壁璫傳

勝國

瓊華島明時尚有廣寒殿

妝樓金粉記當年峯移艮嶽歌

殘土

島石移自艮嶽

臺湧蕃幢拂半天

聖世與民同苑

圍任攀宮柳看晴烟

秋日少宰宋蓼天先生招同馬殿聞蔣謂公

徐果亭宮宗袞黃伯和韓元少董方南繆

鈞聞李倚江顧伊在飲黑龍潭

宋公逸興山公儔休沐往往耽林丘提壺挈榼招
賓從秋清霽色城南遊城南霜葉紅似錦歸然古
寺傳龍湫老龍蟠伏泉洞黑元氣濛濛江海濕雷

霆有時驅作雨鱗甲光騰半空立我來波靜抱珠
眠蒲綠苔明繫馬入松楸烟鎖白日幽神鬼堂虛
意悽惻其偏峭崿山軒聳山翠千層壓窓重把酒
頓覺鬚眉青滿座秋雲拂衣動人生歡宴豈有窮
少焉月出疎林東銅鞮晚唱各歸去溪巖颯颯生
清風

壽沈繹堂先生

學士家聲舊與朝振羽儀鳳池原世澤雞樹自新
枝硯詠思親操經傳述祖詩陞高三唱早仗簇百
花欹月鎖蘭臺草星懸秘閣藜不妨嚴助出詎說

馬卿辭杖節開龍甸麾旌下舜祠河冰喧畫角潞
柳拂朱旗帝德旁求切公才物望推風雲一氣
合舟楫八荒思詔獻甘泉賦人看太學碑自天優
寵秩此日識珍奇銀筆暉丹地金貂賜赤墀三階
旬月轉五字九重知掌故仍荀悅詮經復賈逵酒
從仙液注燭近御屏移越水承瑤節吳山駐玉羈
明珠羅海嶠神馬出天池身係蒼生望名真當代
師經綸襄袞職匡濟翊昌期末學驚河漢童齡奉
鼎彝昔邀分月旦今喜侍風規禁掖鵷隨後雲霄
豹未窺流霞朝獻日甘露夜濃時玉樹迎文砌琪

花媚綺帷公身關社稷黃閣佇台司

懷林武宣叅浙江總制李公軍幕

鯨氛蜃氣漲聞天秉鉞元戎獨被堅嶺據崢嶸屯
虎豹郡樓高嘯靖烽烟

其二

七嶺仙霞路鬱盤一夫守險上天難豹韜須展攻
堅策早蕩歐池散揭竿

即事

萬里羅施國經時斷吉音烏江蠻霧毒銅鼓戰雲
深苗洞皆椎結羊腸盡箐林王師天上落蠹爾是

何心

其二

褒驛通秦蜀連雲棧閣懸五丁曾鑿嶂千折迴摩
天螳斧泥封谷雷車電作鞭亞夫方秉鉞掃蕩豈
經年

其三

吳淖原降將曾無佐命勲一身多反骨萬里煽妖
氛草竊潢池盜天威太乙軍擊鵝看雪夜饒吹震
滇雲

其四

八屯皆鐵騎六郡盡軍鋒
入陣驚飛豹摧堅直坎
墉不難清隴狄立可蕩
巴邛早晚來俘馘歡呼動
九重

秋日早朝和唐人韻

館課

五夜趨蹌禁籞長秋深
宮殿鬱青蒼銀河瀉影低
仙掌玉律吹商協總章魚
珮班分天仗下獸鑪晴
散御屏香只今萬國銷戎
馬重譯南來仰聖王

其二

仙人閣上轉更籌閭闔垂
裳焚雉裘共慶九衢皆

設鐸常懸四目自凝旒霜明駕瓦晴鳥起日捲鸞
旗翠嶺浮盛事 聖朝光竹冊詞臣簪筆侍螭頭

其三

晨鐘秋動鳳樓寒閣道鑾輿闌上闌丹陛笙璫傳
九奏玉班雲鳥紀千官花交彩旆新霜濕光湧金
溝落月乾最是 至尊宵旰切齒風圖畫識艱難

其四

朝看太史新書藪還憶明堂舊薦桃燕雀曉驚仙
蹕起雲霞晴覆玉螭高賡歌未易酬 天筆頌德
何由借月毫才拙自慚逢 聖主鳳皇池上一鴻

毛

家累還鄉

八口京華客相依冀北樓入春驚判袂今日送歸
舟莽莽關山險荒荒鼓角愁不堪青鏡淚灑向潞
河流

其二

京雒空留滯嗟同廡下鴻夢隨形影外人老別離
中險道休乘月奔流莫趁風只愁多梗塞何日到
江東

其三

憐汝思親劇烽烟悔出門伶俜還獨返辛苦更誰
論戍鼓宵旰黑津橋曉纜昏幾時浮一棹偕隱學
山村

其四

盜賊猶充斥關河動八哀妻孥渾未解顏笑強顏
開報主吾應在寧親汝暫回遙知扶杖待驚喜
帝京來

其五

歸路春光滿休添別恨多綠護消日月赤鯉放江
河穉女穿針弱高堂握髮皤承顏兼鞠養珍重意

如何

其六

官冷真難住行行重別離
自知同泛梗姑妄說歸期
室遠思偏邇愁長夢到遲
琴釵慚細物贈婦強裁詩

其七

故園千里外環海正屯兵
歸去知蕭瑟年來苦踐更
奉公惟夜織課僕且春耕
獨憶清砧響無由寄遠征

其八

吾父推耆舊逢人再拜難稍能耽服食時喜報平安籬菊長同隱松雲早棄官子歸勤寢膳爲我勸加餐

其九

寄語吾家姊分離悵四年刀圭何末效眠食可如前解珮晨鷄候丸熊夜雨天老親書札至念此倍潸然

其十

客裏携雙女青絲覆額長年華憐尚小聰慧喜堪狂背地爭梨數逢人學語忙不知離別意嬉笑上

歸航

飲友人齋

何處春風得酒賒
况逢幽閣有梅花
山中久別無人賞
客裏欣看到日斜
茗芋不酬真覺負
酸寒相並更誰誇
當年杜叟多吟興
空對疎枝感鬢華

下直

校讐東觀經旬日
下直朝來得少閒
門外不須人過訪
花間唯喜鳥相關
解衣自付圍常減
閱世多愁鬢欲斑
辜負扁舟泛三泖
滄浪一曲弄潺湲

郭外

郭外幽芳何處尋
柳邊繫馬到珠林
數聲清磬香臺迥
一徑飛花玉洞深
坐近碧泉貪澗響
人經赤日愛松陰
試叅象教無生理
可是儒家靜後心

金山

景皇陵墓金山麓
隧道松楸僅一區
晏駕不聞憑

玉几攀髯那爲葬
珠襦蒼梧血淚人
幾盡

妃嬪唐氏等賜

帛自盡注后賴李賢救獲免

睿武兵謀事豈無

用李輔國事景帝升遐或云奄

人蔣安鑑之也

龍馭若還尋少保
薊雲燕月到西湖

忠肅墓在

湖西

補日講官恭紀

忽驚中禁紫綸傳末學如臣濫 講筵圖啓箕疇
陳瑣闥恩携班管頌甘泉蓬山日映彤墀仗桂殿
香浮玉案烟 聖世崇文懽萬國垂裳不數鎬京
年

其二

閭闔薰風拂舜琴每開溫室命儒林丹書親訪橐
弓日玉漏嘗縈問夜心雲護僊盤晴色滿露濃宮
樹落花深更知 黼座客民隱宵旰頻班九牧箴
講筵恭紀

龍筵珠屐敞延英東壁圖書映日明論道欣占姬

鼎奠賡歌自叶舜絃清香烟繞仗移銅鴨仙露含
花落翠旌此際南宮瞻劍舄九霄常捧泰階平

其二

晴光晨照玉芙蓉翰墨天香散九重
大易爻疇探宓禹尚書禮樂見夔龍
祥雲自覆談經幄神雀常飛繞仗峰
睿筭太平還止武漸銷金甲事三農
有宗藩建十旬道場鶴舞雲表徵詩紀盛因

賦

親藩旄鉞貴元胄孝思崇蚪篆開芝闕龍符奏玉
宮驅鷄清漢外咤杖紫雲中肅穆靈壇迥悠然一

烝通

其二

菊水氤氲夜楓林澹蕩時仙花依座散麝月拂筵
遲書自青牛著爐從赤箭炊羽衣長鵠立彷彿降
靄旗

其三

玉盃鉤緣果金釭寶相花神霄顙頊里碧落廣平
家曲引龍吟戛簫迴鳳舞斜原從天上錫應有駕
麟車

其四

靈鼓聞三奏蓬萊瑞鶴鳴棲松珠結樹搏霧玉盤
城日月暉南極烟霞護北平不知王子晉何事獨
吹笙

主京兆試闈中示同年韓慕廬

北溟起鯢鵬波浪濶萬里忝司文衡柄旦旦誓諸
水刻厲余影衷蕩滌脂膏累祇恐五色逃未足厭
多士銀燭燦風簾踰糜列棐几魚豕混莫讐甲乙
雜難紀間得沙中金盈握竊共喜桃蹊詎敢私衣
鉢何妄擬惟求神奧區殖彼桐與梓斷爲琴瑟材
揚音清廟裏回顧三年前矮屋兩脚倚伸紙筆不

休懼遭有司否短翮翔青雲內省常顙泚濫先粉
署賢謬簪昌黎子庶幾金臺上蹀躞皆駉駉

壽徐館師

夫子明光殿崢嶸第一流名從天上唱香傍日邊
浮鳳沼通仙掖蘭臺抱御溝揮毫高朱賈作賦邁
應劉每奉延英對親陪五柞遊掌書周史記屬草
晉春秋

先帝恩殊渥

今皇寵更優風標高玉署姓字近金甌憶昔辭中
秘掄材到雍州羣倫瞻斗岳當代識驂騑遂以儒

林望還符帝夢求崇班先教胄清秩自鳴球璧水
春飛蓋槐林曉唱騶緋衣猶弟子絳帳半公侯禮
樂聲名大樞衡造化侔芸編緒鳳幄蓮炬出龍樓
舊德今誰似家聲古莫儔三珠同禁籞一氣盡瀛
洲甲第驚人瑞經綸翼聖謀蒼龍應贊毫非虎自
興周曾問侯芭字忻登元禮舟鉅公扶日月末學
荷薪慙水鏡常偏照砥礪亦共收晴暉涵海嶠化
雨浹嵩丘伯仲師門並芝蘭戚好投華燈然綺閣
錦曲奏箜篌鴻烈微叅解瑤觴雜獻酬喜看風牧
在聖主樂垂旒

月夜

疎雨微雲五鳳城一樽孤院對新晴
遙思故國深
閨裏今夜牕前共月明

橫雲山人集卷之十

橫雲山人集卷之十一

雲間王鴻緒儼齋撰

望雲集

送同年龔含五請急僑寓金閶

草色鳴騶出建章
送君吹笛酒壚香
未能把釣羊城外
且復牽船鶴市傍
三載干戈喧簫篴
萬山烽火暗枕榔
極知庾信多悲感
花月吟時非故鄉

寄兄

暫脫朝衫愧未曾
御橋三見玉河冰
幾回青草池塘夢
芸閣挑殘午夜燈

其二

親舍雲深路阻修
那堪烽火動鄉愁
懷中諭蜀非無檄
司馬金門已倦遊

其三

釣魚巖畔數株花
兄弟開樽對月華
一別故園千里外
幾年春色夢中賒

其四

鼙鼓天邊戰伐時
鳳樓愁聽玉參差
快人最是南來鴈
捧得雲中琬琰辭

奉送胡念菴先生覲畢旋豫章

總領諸侯古豫章三年方岳覲明光談經暫奉何
休席攬轡俄傳袁紹觴仙客祠虛春水白將軍城
迥暮雲黃遙思幢蓋高吟地不盡烟波鳥路長

亦園春興奉和益都閣師元韻

春濃亭榭護沙堤翠碧千重柳帶齊吹去雜花迎
緩鞚飛來好鳥喚扶犁輕陰色散梅檀外斜日煙
分漢苑西佳景欣當調鼎暇關河極目暮雲迷

其二

平橋曲檻綠蘿牆却洗行厨傍水鄉乳燕弄花搖
素幔雛鶯啼絮落橫塘愛邀風月評詩具聊許煙

霞佐酒狂郭隗臺高芳樹早當年駿馬已蒼茫

其三

麥隴鳩呼怯曉寒花烟細細撲河干請纓却笑談
何易對酒休歌日大難江上蒼龍誰擊楫斗邊紫
電自登壇匡時須仗平淮策樽俎從容報治安

其四

潯沆城隅萬景收畫長無事狎沙鷗官因休沐尋
遊劇坐愛飛花繞逕柔池映碧窓疑曉鏡雨涼深
樹似新秋欣聽劍履層霄上郢雪吟成學唱酬

亦園秋興奉和益都閣師元韻

暫開平樂坐雲霞
暇日軒車曲逕斜
露濕桂叢佳節近
香飄蘭葉素心遐
征南漫說扶桑柱
命使空懷博望槎
猶喜謝公碁局在
指揮金甲靜無譁

其二

金風瑟瑟動雲蘿
徙倚亭臯白鴈過
萬里猿啼巫峽雨
九秋鯨躍洞庭波
幸依日下航高詠
正憶軍中奏雅歌
無限同仇期報國
柱天勲業待蕭何

其三

鄉國煙波谷水濱
門垂殘柳傍東鄰
雲鴻數載高堂遠
風鶴三江畫角頻
菊圃蒼涼遲載酒
魚梁蕭

瑟想垂綸名園不盡登臨目萬里秋懷動白蘋

其四

劍門烽火幾時收萬里關山接素秋露布書勞征
鴈足擣衣人憶大刀頭荒城故壘傳金柝八陣雙
甄擁鐵矛佇望虎牙同奮武明年饒吹下西洲

壽高陽閣師

清時勲業重蕭侯造膝偏聞紫殿留一已獨思天
下溺九重嘗借手中籌波浮舟楫江河遠夢叶龍
顰戰伐收最是安危需柱石至尊端拱得銷憂

其二

沙堤待漏曉烟清
劍珮花間射日明
共倚韋公光相業
舊傳伊陟嗣家聲
風塵每識千金駿
霖雨能銷萬國兵
試看舞干襄聖德
不須年少請長纓

其三

兩朝元老百寮崇
四海羣歌負宸功
鼎定先皇扶玉曆
衣垂

今上補華蟲
人歸壽域調羹裏
天轉陽和坐論中
劇喜謝公饒白雪
吟成蓬閣遍清風

其四

平津東閣倚雲開
廿載清光滿上台
檻外鵷鸞棲

玉樹簾前笙鶴下金臺園携醇酒花常發月倚仙
舟客自來最喜谿邊春思濶濶隨桃李十分栽

夜

霜風瑟瑟動窓紗故國音書旅鴈賒永夜聞砧難
入夢他鄉見月易思家干戈且喜人亡恙蒲柳應
憐鬢有華獨愧聖朝容棄物未辭簪紱問桑麻

對酒呈大兄

獻策偏聞結主知恩暉難借上林枝管寧未解
居龍尾荀勗何嗟奪鳳池對酒白駒人去候還家
青桂露零時鱸魚鱠細蓴絲滑陸瑁湖邊且詠詩

送顯士兄登第南歸次后張兄原韻兼寄仲

兄子武

相隨五載客都亭御柳啼鶯幾度聽詞賦競邀梁
苑雪公卿誰識少微星龍泉匣動神光紫書幌燈
吟夜雨青兄似更生終不賤弟今鯉也學趨庭

張兄也

其二

伯氏春風七寶鞭看花新宴曲江前才雄羣從惟
王儉珮解三公有呂虔鐵畫賞承天語近綵衣香
自御爐邊旁人爭羨成名早誰信公車已十年

其三

秦山堂繞海東雲十里潮聲白
晝聞雨散蒼龍時
天矯巖齊綠樹曉氤氲家園夢裏鳴禽合
燕嶠愁
中旅鴈分仲氏莫嗟猶獲落彤庭旦晚策奇勲

其四

白髮高堂悵各天每看兄去倍淒然
葡萄花壓青
門酒駿馬人分灞柳烟烽火近知秦地息
饒歌新
自帝鄉傳別離俱在秋風裏留滯登樓有仲宣

贈后張兄次元韻兼呈顓士兄

吾兄浩歌長安亭和者雖稀識者聽冰心在抱浮

皓月文光照世搖秋星螢乾萬卷自頭白眼空千古誰人青乃知司馬非名士狗監吹噓入漢庭

其二

銅鞮醉唱欲倒鞭湖海豪氣真無前文憎時命似李白官冷吾曹如鄭虔數口妻孥燕日外故山雲樹扶桑邊羈棲羞向旁人道辜負漁竿又五年

其三

爛爛洛下稱機雲一編獨握百不聞西嶺到眼色青翠北窓高枕花氤氲東頭西頭呬唔應大山小山聲華分幽居弘景號宰相何必朝登光祿勲

其四

座上誰誇尺五天兄也掉頭殊不然七貴園亭只
蔓草五陵松栢餘秋烟興來欲闢陰符祕夢醒渾
忘午漏傳我生杯鐺苦未識明日狂歌學阮宣

送同年韓珠崖歸娶

蓬山才子辭明光黃金絡馬紫絲韁驪歌曉唱灞
陵月黃鸝數聲柳色涼三年常獻甘泉賦鷄樹日
高翻四庫手持冰鑑入鄧林離離玉筍栽雲路錦
衣歸去穠華春鷗絃鳳管媚芳辰玉堂爭羨乘鸞
客金屋初歸詠絮人聯珠合璧交暉映乍分嬌面

盤龍鏡携得隄縻本上方
畫成螺子雙蛾靚同調
銀七獻高堂雙燕雙飛雙鶴
旁花底魚軒扶玉杖
樽前象服映珠璫
此日鯉庭黃籙迎此時鳳閣紫
綸擎恩光爛熳花紈側雲母屏前巧笑生
知君今代文章伯
況是風流天上謫
芙蓉峰畔芍陂邊
棲遲莫忘長安陌

送蔣謂公假歸

幾載追陪向紫微
忽攀灞柳思依依
繪圖入告曾流涕
折檻回來有釣磯
石上管絃催畫舫
洲邊蘭蕙逼春衣
憑君問訊王猷竹
猿鶴應慚客未歸

朝罷起居館口號

委珮從容紫殿回，絳綸館倚鳳樓開。
雲晴宮柳雛鶯出，日暖罌恩乳燕來。
班管畫長翻汗簡，鑾坡花靜坐莓苔。
侍臣每見天顏喜，慚愧蘭臺作史才。

夏日同年徐方虎招朱秩公唐依在朱采章
陳大年錢宸安胡孟綸劉亦朝胡廷一家
伯氏祖園宴集賦得涼字次韻四首

曾隨勝侶到雲莊，綠柳參天夾道長。
坐樹黃鸝迎客語，窺魚白鶴愛溪涼。
幽巖樽酒宜晴日，小閣蒲荷恍故鄉。
一別名園驚隔歲，羨君絲竹漫徜徉。

其二

遙知避暑浣花莊共挽籃輿出郭長
翠鳥拂簾芳樹綠碧蟬吟露
畫橋涼玉臺文藻真無敵
金屋溫柔更有鄉誰談
笙歌幃幔隔謝公
蒼墅一徜徉

其三

驪歌暫緩憩花莊爲說衝炎驛道長
暑到畫堂湘簾熱秋生征馬嶽雲涼
絳紗暇日依仙侶紅豆新詞滿
帝鄉最是陽春難屬和清吟月下幾徜徉

其四

華亭歸夢一村莊拂戶槐陰歲月長
春雨藥欄三

徑潤秋風魚蕝五湖涼親因亂後頻傳信客爲花
時倍憶鄉旦晚朝衫還暫脫弟兄舞綵共徜徉

壽少宰宋蓼天先生四十韻

聖代持衡日天官翊亮功人歸九品正帝闢四門
聰灝氣懸清漢高襟挺碧嵩掄才山吏部博學杜
平東玉尺浮塵外冰壺獨照中三銓熙百職八座
徹層穹對客惟談月登臺或賦風清通誇叔則簡
要駕王戎矢志真寅直澄幽到冥濛中朝推水鏡
大雅詠梧桐夫子汪汪度王臣蹇蹇躬早知庭牧
馬應喜兆非熊昨者司文柄羣瞻鬱彩虹玉盤何

皎潔鐵網自含洪月旦分羣藝驪黃辨五駿樗才
皆點額寒峻擢編蓬天地開人傑文章見國工八
荒敷雨化多士絕雷同更憶司徒晉能令府藏豐
閭閻財有式生節計無窮侯霸風規峻蕭何轉餽
雄持籌勲自大視草職原崇曉直依丹陛宵歸倚
玉驄瀛洲波浩蕩綸閣影瞳矐五志紅蘭省諸儒
白虎通蓮鐙光錯落魚珮響玲瓏時奏凌雲賦常
傾向日忠調和羹在鼎陶鑄物爲銅往歲尊師席
言觀邁澤宮鸞旂晴藹藹鼉鼓晝逢逢水瀉園橋
綠香飄馬帳紅詩書明道術禮樂藉磨礪踰濟升

堂履春容射圃弓桃蹊知獨盛
棧樸自生叢講學推韓愈
開樽接孔融續紛看吐鳳
激賞遍雕蟲猶記門通謁
欣依座發蒙品題生羽翼
容易出樊籠有類羊公鶴
空名童子鴻願歌維岳降
旣卜是三公

寄慕鶴鳴中丞

屏翰東南久新加節鉞雄壯猷
孚衆論特簡出宸衷秩晉蘭
臺重權兼栢府崇循行開赤
棒坐鎮領青驄誰續蒼黎命
眞資保障功萬方悲碩鼠此
地集征鴻澤際江淮濶思隨
雨露通旬宣歌虎拜

仁愛頌羊公每念兵戈擾常嗟杼柚空五湖沉竈
白四野戰塵紅輸輓憂民力流遺達聖聰撫殘
心更赤籌國計能工憶昨持文鑑旁搜慎藥籠網
珠光自徹庭玉暗偏逢令子才推驥先生兆叶熊
金甌應有卜名在御屏中

冬日

駕幸獵南苑恭紀

限微韻

畫角開南苑金輿下紫微山川迎豹仗雲日護龍
衣沙凍燒痕淺林長翳網稀季冬司肅殺萬國仰
皇威

其二

禁籞期門發戈鋌散曙暉三驅橫獵陣七校合行
圍碧漢星鵬健香巖月兔肥 君王巡幸地岩谷
滿光輝

其三

馳道黃金埒離宮白玉扉兕裘千隊列毳帳五雲
依田犬銜鈴去銀麈帶箭飛始知冰雪候靈囿息
芳菲

其四

羽獵乘農隙金鉦入帝畿日光搖鎖甲雲影曳珠

旗 聖武垂千葉 宸遊洽萬幾寧如瑤水上空
擁白狼歸

冬夜合肥李夫子招同徐方虎韓元少陸武
園飲臥遊堂

長安雪後風栗烈匝月鍵戶罕相見臥遊堂前共
問奇絳帳紅爐促歡讌先生落筆驚鬼神凌顏轢
謝開生面矯若豐劍躍延津爛如日觀懸吳練丹
誠愛國動高歌極目南荒尚酣戰渠魁負固恨未
殲岷峽奔濤膏血濺紅顏玉筋滿軍前刁斗聲中
弄歌扇不盡江沙鴻鴈哀何人折檻麒麟殿三年

畫角怨關山父老中宵淚如綫願公計日登黃閣
手起瘡痍天地轉

伏讀

御製賜圖大將軍詩二章恭紀

當代雲臺上函關柱石雄神威矜不殺

睿藻錫成功憶昔涇原變諸軍麥麴窮棧雲千里
黑塞火萬山紅

帝念妖氛熾廷推鼎鉉崇弄兵雖小醜秉鉞必元
戎雷電經天略冰霜貫日忠仲卿登大將博陸領
三公一鼓清金虎三秦起澤鴻陽和開壁壘俘鹵

出樊籠刁斗崆峒月旌旗渭水風
乞降看獸散屈指破蠶叢
朝野懽呼際乾坤整頓中
赤眉新逐北白馬舊征東
太室名堪勒凌烟畫自工
分圭頒秬鬯賜爵賦彤弓
續采光銀甲高霞爛碧嵩
奇勲真莫並異寵更誰同
星漢天章麗車書地軸通
凱歸應已近賡拜未央宮

丙辰夏

上遣近臣祀長白山事竣還
朝具疏備述靈異

因作詩紀之

萬禩興王地長白真嵯峨
作鎮北極表神光耀天

河我

皇念祖德奇異鍾巖阿圭璧敢憚遠其若山靈何
當軒命使臣玉節金盤陀長征逼暑月廣莫行逶
迤前旄渡鴨綠江色堆青螺覓路遍樵獵百者無
一過中有前致詞蒼然鬢已皤水陸無定程攀崖
復凌波莽曠絕人跡餽糧細馬馱跋涉經九險乘
橈或駕艤彼此會納陰額手驚無它但恨榛莽塞
王命憂蹉跎歛似鳴鶴引仄逕開藤蘿合杳造山
麓香木交枝柯長跪誦綸綍霧散羣峰羅峰積太
古雪上與蒼穹摩其巔圓且敞池濶生盤渦澄鮮

似太液灼灼宜蒲荷巖畔遇仙鹿充腸愈勞疴拜
賜下百步樹杪烟雲和始知尺一詔默有神靈呵
山棲絕虎豹水宿潛鼃鼃不爾歷幽陰焉能驅鬼
魔嗣今崇祀典史冊良足多列爵簪五岳祝版鏤
金科發祥固有自受福豈不那陋彼東巡侈徒奏
登封歌

送侯官張一衡還鄉省墓

作賦張平子時清歸故鄉雲山猶夙昔朋舊幾存
亡餉轉溝中瘠兵沉戰後瘡螺江一長望或恐動
悲涼

其二

久客離烽火思親墓木春十年雙淚眼萬嶺一歸人
獨喜鴻文富相看墨綬新荔枝初熟候把盞話
京塵

其三

當代靈光殿司農望最尊邀君同講席累歲倒清樽
古調違時好高懷不素飡今朝一分手吾道向
誰論

其四

萬里無諸國烟塵隔二年親藩開海嶠殘寇靖閩

天驛路青楊柳春山紅杜鵑芋原征鴈北遙憶尺
書傳

陪張素存陳謝浮孟端士諸前輩遊亦園和
杜工部何將軍山林韻十首

暇日尋金谷相携上板橋禽魚繁洞壑花木出烟
霄不用鳴騶入無煩折簡招濃陰迷咫尺緩步碧
山遙

其二

漾日銀塘水照人雙眼清掠波翻語燕沾絮過啼
鶯野老青蒲笠山僧紫蕨羹移時忘出處渾向輞

川行

其三

斷岸溪雲補枯藤石磴支任人攀翠羃隨意濯清
池香聚蜂偏覺春殘鳥自知劇談消白晝襟袖幾
回披

其四

樹密全藏霧溪明半躡花遊人携綠蟻上客握靈
蛇訪道三山遠歸耕一壑賒暫時臨眺眼疑到避
秦家

其五

黃閣多幽興園經次第開陶潛深種柳傳說正調
梅水待移舟人人從拾翠來紛紛任裙屐趺坐且
蒼苔

其六

巖畔堪長嘯繁香啜乳泉落花濃似錦藉草軟於
綿玉笋供茶具金魚當酒錢諸公詩句好爭比謝
臨川

其七

曲徑攀躋久衣冠惹樹香鷓鴣巡岸浴蛺蝶逗波
涼夏近林園變春歸花塢藏登高還一望西嶺鬱

青蒼

其八

烟霞眞巨手指點出岩池著處成愚谷隨時倒接
羅移巢驚鶴子決竇躍魚兒却話家鄉景煩君步
屨隨

謂張陶庵也

其九

每發扁舟興歸看笠澤雲濫參東觀筆深負北山
文故國羊求隔詞壇楚漢分且同沽若下花底醉
紛紛

其十

到此渾忘去其如暝色何墜林紅日大歸徑綠烟
多寂寂山中韻烏烏谷口歌祇期官馬健朝罷數
來過

贈嚴孝子

嚴子推純孝艱危奉老親椿萱常愛日藥餌竟忘
身母病割股赤鯉衝波暖祥烏繞樹春前賢真不愧菽
水詎言貧

其二

舊裔桐江畔春星釣瀨明雪吟梁苑暮醴泛楚尊
清砥節全三大摛文自兩京聖朝崇孝治應見

白華情

壽益都閣師四十韻

岱岳齊天峻台垣似日明生申開壽域應昴降元
精瑞啓金庭籙陽回玉鉉羹獨扶黃道整都慶泰
階平周呂勲庸大臯夔德望清袞衣襄采藻鼎宇
勒崢嶸共倚宗臣重長殷聖主情借籌談甲帳
造膝對延英颺拜皇圖鞏都俞帝道亨如傷分
睿慮猶溺念民萌錢穀應無荅經綸獨秉成艱難
陳七月燮理位三正每爲人心惜時緣國體爭石
縫霄漢闕柱抵濁河傾邇者何多警王人肆有征

德調春夏暖謀動鬼神驚蕭相三千律希文十萬
兵坐看咨廣廈行見掃欃槍應地真持紀承天信
作擎龍旂方繪績麟閣待書名更喜文章富嘗高
月旦評包羅杜武庫清逸謝宣城入殿朱絃響逢
人白雪賡畫吟紅藥落宵詠玉繩橫錦繡含毫製
珠璣入句烹爲園山乍起携客柳新晴共飲曹參
酒俱敲謝傅枰花移朱檻笑鳥向綺筵鳴香氣飄
蓮幕妍辭會墨卿開門勤吐握置驛快逢迎憶昔
邀殊盼深期接後生慚無風謖謖漫道鐵錚錚拂
拭車中鮒吹噓海外鯨銜恩身未報感德愧常并

茲賦岡陵頌隨聽劍履聲光華暉北極靈壽暴南
榮霜裒瓊窓淨風含玉樹輕龍駒騰地速鳳羽倚
天行書著千秋鑑堂開百歲觥童顏方杖國有道
在阿衡

壽玉峰徐太夫人

東海太母野王裔豐稔簪貂數十世瑤筐誕質秀
獨鍾毓采璇閨嬪君子冰心玉映代爭傳道韞文
明德曜賢勤挽鹿車甘井臼靜拈班管續芸編五
色憑肩來彩鳳石麟天上徵奇夢元凱生爲聖世
祥金昆並起科名重三唱龍頭屬一家瓊枝次第

曲江花里著鳴珂連紫掖門高道德拜黃麻鳳銜
龍詒來重疊養堂彩映宮袍纈入座徽章奉起居
兩朝禁近同班列玉宇澄輝鵲駕秋東瀛青鳥到
蓬丘鯉庭冠劍三千士鶴髮神仙十二樓賤子微
才等培塿管絃不設華堂後元經授受愧侯芭絳
幔淵源本韋母度城湖畔馬鞍峰瑤光日夜燭芙
蓉遙知綠萼雲輶下不羨三山羨八龍

壽同年汪朝采祖母陳太夫人

藍田玉暖靄晴烟瑞日萱堂頌綺筵令子舞衣鳩
杖側文孫鳴珮鳳樓前

其二

天上名題鴈塔新
升卿祿養太夫人
玉盤遙寄金莖露
庭餉冰桃百歲春

橫雲山人集卷之十一

橫雲山人集卷之十二

雲間王鴻緒儼齋撰

望雲集

元夜

月色銅街白燈光寶樹紅花明
鵲觀春暖鳳凰宮玉管嬌歌雪
霓裳醉舞風人間天上樂都在
太平中

其二

紫陌渾疑畫銀花吐萬重神鰲珠
錯落仙鳳錦蒙茸寶騎垂鞭去
香車拂袖逢良宵春似海莫動禁

城鐘

其三

處處笙簫沸
千花鬪舞場
袈裟金粟相
翡翠玉人妝
雲翳珠簾色
風來錦幔香
嫦娥今夜影
不獨向昭陽

其四

寶地燃千炬
朱樓映九微
誰能罷絃管
何處不光輝
銀鑰重門啓
銅壺永漏稀
六宮無限景
天子獨宵衣

過掌院陳說巖先生宅伏覲

御書扁額恭賦長歌一首

嵯峨先生堂瑤光燭雲漢問奇一相過銀牘排
宸翰山嶽峰尖神骨聳墨濤氣撼江湖湧蛟龍蓄
日金鱗光硤礪盤雲堂欲動岫嶠山碑蚪斗滅秦
漢下數唐宗傑但惜肉豐致損骨態度穠纖精爽
歇豈如我

皇筆勢遒青瑩百鍊豐城鐵虞筋歐髓登善姿蒼
古含妍嘆神絕憶昨頒賜明光宮講筵捧出龍綾
紅瓊霄仙使遙相護金支翠旗翻晴風觀者如山
九衢塞春花婀娜高堂側再拜含笑紀君恩波

磔親慕忘寢食先生密勿一德深陳規獻可朱弦
直吟詩曉召捫天青作誥宵歸踏月黑稷契經綸
屈宋才鐘鼎銘勲壯顏色君不見 御墨煒煌懸
四壁 主聖臣賢真兩得

上御保和殿賜岳州水師總兵官黃正色宴

臣鴻

緒侍 賜御案梨一金盤恭紀

共看洱海蕩烽烟命將臨軒伐叛年每爲李齊思
鉅鹿好同楊僕號樓船投醪氣合三軍壯推食恩
深百戰先獨媿毛錐無寸補張黎空拜玉螭前

酬友人

風雅叅軍迴絕倫壯游京洛近西鄰觴從曲水時
多詠賦到長門不畏貧歸夢幾縈吳岫月客衣新
換玉河春知君欲問荆卿里擊筑酣歌混酒人

再示友人

最愛江東顧虎頭吟成白雪更誰酬林鶯時挈雙
柑聽畫壁常耽五岳遊花殢客懷惟縱酒柳濃寒
食好登樓憐余小草空潦倒猿鶴家山起別愁

保和殿侍宴 賜御案羊尾一金盤恭紀

九天紫殿靄晴光又見瓊筵錦帕黃玉佩濫隨東
觀鳳金盤欣拜大官羊分甘渴和神漿下細割香

沾御七嘗此日垂衣同宴鎬不須熊館賦長楊

有感和葉訥菴前輩原韻

雲鬟雪貌倩誰誇春日晴江獨浣紗不向東風施粉黛蛾眉空鬪碧油車

其二

新得佳人絕世誇六銖衣服勝蟬紗白頭吟把齊紈扇猶憶迎來金犢車

其三

嫦娥冰骨月中誇紅粉爭妍拂臂紗靈藥幾年偷

碧漢倚門遙望紫雲車

其四

尚書女史本堪誇
弟子春風隔絳紗
應笑織縑西舍婦
當窗終日響繰車

送王北山先生歸里

一從御極侍

今皇數載封章滿
帝閭幾拂龍鱗心
更赤久棲鸞掖鬢
俱蒼秋來卿月金莖湛
歸去漳河玉露涼
猶有扶風門下士
莫貪漁釣老滄浪

毒熱過大兄寓齋見蒔竹致可愛因歌

突兀庭中見修竹密葉森森風倏倏清音入枕逼
笙竽黛色侵階爽心目燕山六月苦蘊隆氣似焚
柴倍炎燠大火赤日不可耐數枝移蔭簣簣合我
家卜築吳淞干綠雲百弓堆琅玕拔地梢天不受
暑亭午常覺絺衣寒况壓巖池浸欄檻懸崖窅窳
生青湍吾兄不冠亦不襪一編湘簟臨風看弟也
呼童伐細管敲針籊籊垂魚竿自來五載長安陌
濫竽俱幸服冷官却怪今年逢毒熱要領流汗何
曾乾惟有此君最疎快欹斜几席清檀欒尚惜冀
產止密篠未能棲鳳摩雲端安得縮地置身故溪

曲嘯傲千層萬層綠

丁巳秋喜董蒼水至都尋別余遊閩悵然有
作

五載別董生愁懷積如霰何來長安陌傾倒展歡
醺時值秋風清西山始收電平頭負笈囊一榻寄
禪院入門驢喧檻哀鳴聒朝晏舛幘听然笑顧謂
此頗善似聞仲宣音恍覩子瑜面鼓吹比兩部朗
吟出萬卷示余浮湘草爛爛朝霞絢探奇歷幽峻
銳意更峭舊波瀾洵老成句烹隻字鍊憶昔宋觀
察大雅主壇墀軒車訪我父新詞競黃絹過江呼

僕射

周釜山先生

金閨舊朋串結交子與田

堯淵先生

藉甚

邦之彥鯁生始弱冠短才類蜚轉時時當偏裨賈
勇事酣戰嘉會追南皮聲華何婉孌彈指日月駛
悲歡難自遣周宋化異物墓木拱其美美墓道也臨風
幾懷舊淚若花露濺年來汨埃壒伸紙歎目眩不
覺悔少作願言焚筆硯天涯復覲子巋然靈光殿
九重方側席或得雄文薦膏沐誰爲容上書羞自
銜沽酒且細傾旅食雜雁膳忽思七閩遊看山到
海甸此時寇尚熾仙霞眼滿箭耆舊半爲鬼戰裙
血未湔莽莽涉險艱那甘相如倦聚首曾幾時又

祖青門錢親朋多別離情傷鬢欲變

周緘齋前輩招飲

晴日冬亦佳微風搖凍柳追陪出瑣闥濫邀共樽
酒云是良宴會婉孌忘年友咳唾中宮商高唫有
八九余也聞滋懼自憎無鹽醜滿堂握靈蛇何當
享敝帚三舍願且避聊以匿瑕垢先生顧曰嘻莫
使佳辰負墨子困重趼史遷牛馬走詩書寡閑情
風塵亦何有不如逍遙遊一石參一斗因此款高
軒蒼山面虛牖紅嘗雪後桃綠剪春前韭分曹抽
秘思自午迄申酉座中元龍豪不用幾叉手耳熱

促銅鑪烏鳥擊其缶未知嵇阮儔
駘宕有此否慨昔丑之冬烽烟起
山藪鼓角滿四陲斬殺遍鷄狗
杞人抱深憂那得開笑口今仗
天王威漸次馘賊首朝野慶雍熙
再覩文儒右努力副聖明刻畫
雕枯朽時清飲啄安茲緣信非
偶願言束橐韃瓦礫易瓊玖

戊午元旦早朝

玉殿椒花向曉傳千官劒珮共朝
天龍旗交映青陽色雉尾斜分紫
禁烟萬國中懸堯日月六師南
靖禹山川侍臣拜舞瞻王會簪筆
螭頭又一年

上召戶部郎中臣王士禎賦詩賜譙授翰林院侍
讀遂

詔中外各舉所知奉和閣學合肥夫子元韻時戊
午正月也

橐筆新傳上紫虛風流蓬觀果誰如宮中自賞凌
雲氣闕下何煩痛哭書花滿柏梁文譙後草深熊
館屬車初琳瑯無數趨金馬好繼前賢論石渠

其二

詔舉鴻儒下鼎司爭來天祿鬪新辭共懽騏驥千
金出莫笑鯢鵬萬里爲客難祇矜方朔對郎官誰

稽亭先生集卷十二
藉長卿貴上林計日商飈動翰墨香飄積翠池

其三

處士何須戴鶡冠讀書休嘆遇時難但題鸚鵡銀
毫健自信珊瑚鐵網寬已見壁經傳伏勝不教岩
雪臥袁安 聖朝側席崇儒術莫漫雕蟲競簡端

其四

弘開鵷鵲命從遊洞壑雲深束帛求共薦洛陽非
絳灌休甘潁水似巢由巖邊結駟林猿散江上投
竿客曜收莫訝漢廷徵博物歌詩曾列祀鄉侯

再次前韻

宮中重道席常虛奎壁宸章錦不如金殿日斜還
授簡玉窗月落尚攤書縹緗光映青藜上蝌蚪文
開白虎初待詔莫矜才思濶且看天子賦車渠

其二

四海弓旌命百司春風齊咏慶雲辭久看勲業臯
夔在劇喜文章賈董爲東觀自當招隱士西園無
復尚高貴願敷德教銷戎馬諭蜀相如出鳳池

其三

千秋何代重儒冠得遇崇文聖主難雲引蒲輪三
聘遠日開經幄九華寬峩峩北闕來嚴助寂寂東

山起謝安藝苑於今爭獻賦驪珠交映五雲端

其四

徵書遠辟帝鄉遊 當宁情殷夢卜求青桂小山
甘暫出白駒深谷去何由談經席上迎轅固草檄
軍前見薛收開卷莫生投筆嘆平津儒術本封侯

三次前韻

九重前席夜半虛聖世右文漢不如縹緲迴分甲
乙帳公卿爭獻賢能書人來天上應博學我思山
中尋遂初銅臺瓦穿湘管禿明朝焚却堪軒渠

其二

賢良底事分曹司弓旌此日百不辭臣請遂從鄙
隗始帝笑何恐侏儒爲賜金幾作敝帚享賁廡費
盡還山貴低眉五載困章句莫解旁人誇鳳池

其三

一時貢禹爭彈冠白麟奇木對自難待詔已覺金
馬滿獻賦尚喜蓬萊寬煌煌五經校天祿于于七
步誇建安嬋娟帝傍啓玉齒欣看騰照青雲端

其四

扈蹕曾向甘泉遊官冷馬瘦真何求天饌時飽祇
生愧朝衣欲脫那自由問義經緯謝不敏隸事簞

扇難見收陸沈金馬無寸補漫醉斗酒傲封侯

保和殿侍宴恭紀

瓊筵日午上蓬萊金殿平臨五鳳開雲近 袞龍
常北繞春隨天馬自西來條風入檻先飄柳香氣
沾衣併放梅盛世蕃王俱款塞千秋漢武漫雄才
保和殿侍宴 賜御案紅棗一金盤恭紀

筵開紫殿俯晴空絕塞梯航玉帛通花傍奠階初
濯露香浮莆蕙正含風擎來火棗心同赤拜捧金
盤日映紅莫羨安期嘗海外侍臣飽食未央宮

盆梅

愛爾盤根大疎枝，裊曲房鈎簾間。索笑隱几暗聞
香色，借羅浮遠春知。庾嶺長寂寥，懷水部幽興劇
難忘。

七尺

七尺曾何補，微吟酒一盃。砌寒花自舞，簾迴燕頻
來。金馬班揚侶，風雲管樂才。蒲輪真聖世，我夢碧
山隈。

底處

底處鶯啼載酒聽，風沙終日晝冥冥。五年客久頭
堪白，三月春深柳未青。漫有匡牀消點易，慚無藜

杖擬傳經陸沈方朔饑難療錯道金門隱歲星

春夜同兄后張集大兄寓齋限鹽韻

春宵燈火映疎簾兄弟開樽月色纖金馬名高推

曼倩

時大兄新列薦剡

綵毫才盡媿江淹五湖烟草遲歸

艇四壁圖書快檢籤却笑蠹魚催老大風塵潘鬢
爲愁添

春日

上御乾清門侍宴 賜御案宮餅一金盤恭紀

豹尾開仙仗天門敞 御筵日搖金殿影花覆玉

欄烟鸞鷟傳餐整璫璠簇座圓白環歌既飽欣傍

五雲邊

白環餅名

春雪

久斷燕山雪春來始作花
高從銀閣墮舞向玉河斜
曉色迷千里寒光壓萬家
麥苗欣有賜對景一杯賒

官舍口號

乳槐繞院似幽居蚪篆難翻舊
賜書年未安仁甘宦拙狂同阮
籍喜人疎丹霞竈館堪調鶴
碧草龍江憶釣魚幾載抽簪成
夢寐故山修竹近何如

憶二兄

春來難得苧城書飄泊繁花二月餘輦轂仲宣慚
獨滯池塘靈運果誰如雷鳴竹圃蒸班筍潮漲溪
蒲網鰕魚此景此時良不惡風塵南望欲愁予

暮春

上御景山前殿侍宴 賜御案糕一金盤恭紀
春雲連禁闕 御輦下亭臯樹拂朱旗迴巖圍紫
殿高恩深叨侍蹕才淺怯題糕獨媿攜班管花間
競錦袍

移居

浣花誰說草堂新客裏移居又一春啼午鄰雞偏

坐樹定巢梁燕故窺人羈棲漸覺霜侵鬢潦倒還
須酒入脣却憶故園三畝宅碧雲冉冉護松筠

偶過沈繹堂先生邸寓見藤花盛開因賦

結鄰偏喜接鳴騶隔院蒼藤繞架幽山翠欲兼庭
翠落花香時傍酒香畱琴尊日靜耽三徑梧竹塵
清傲一丘共道李膺人望峻春風高榻盡南州

飲沈繹堂先生邸寓藤花下疊前韻

朝罷春風逐絳騶頻過高館一尊幽朱欄日抱蚪
枝動畫棟花明燕語畱坐客吟成皆白雪浮生閒
處卽丹丘校讎敢話燃藜火斷簡微茫十二州

時修

皇輿
攷

沈繹堂先生惠示和章率爾再疊前韻

歌呼何事對三騶
珠玉揮毫几席幽
竹拂斷雲迎
幔合花含殘月近
窗畱人倫海嶽推
家令吾道乾坤仰
太丘良會渾忘蓮
漏永金尊傾倒覓
青州

次前韻贈計子山

先生豪飲混門騶
遁跡風塵興自幽
投轄客同官
閣臥賣文錢向酒
家畱池邊翰墨雄
前哲夢裏衣冠變
古丘猶有叅軍韜
略在醉餘兵甲話
荊州

大西洋國進獅子恭紀

奉贄梯航浴日通貢來神獸海雲東目懸上苑千
巖電聲吼天門萬里風破敵當年驚伏象入林今
日見搏熊侍臣喜識毛羣長始信金猊骨相同

金魚池

金之魚
藻池也

城南魚藻池一泓蕩清碧萋萋菰蔣翻漠漠水雲
積都人競歡賞絲管恣裙屐我來當朱曦聊用避
焱赫澄波豁雙眼錦鱗何絡繹巨細羣分命噲喁
自朝夕其婢止徑寸其媵乃盈尺增之則太長施
朱恐太赤五采雜竟體間亦點廣額恍覩漢川女
弄珠出水澤咀華與撥荇泳游各自適或緩而若

侯或疾而若迫或浮而若仰或行而若逆或張髻
若怒或掉尾若擲或鰓曝而僵或沫噓而喑或葉
墮而驚或餌投而憚或羣焉其逝潛淵而脉脉意
趣洵非一態度遂有百諦觀頓忘暑臨流更張席
擘筩愛蓮青畏熱斷浮白池樹生微風飄飄爽絺
綌宛在濠濮間未覺江河窄瀕洞黃塵昏暫憩清
涼宅何時泛扁舟浩蕩垂竿客

月下琴

明月照瑤席弄我牀上琴相賞松石意獨標山水
心萬籟淒復寂幽韻逸以深清輝聊用寫未敢希

知音

家累至京

三載深閨織錦機重來京國且相依甘嘗吳下新
攜物香染箱中舊寄衣幼女顰絲看齒長故交書
札話年饑誰知曼倩金門隱割肉懷歸生計微

雜感

降將曾傳帶礪書誰言尾大勢難除王師自覩從
天下小醜何知乞命餘蕃落競來輸戰馬公卿豈
至坐牛車桓桓十萬屯南服凱奏行期達帝居

其二

烽火年來逼五湖車徒徵發到田夫禾生廢隴忘
高下野續炊烟半有無但願滇池清賊壘豈辭閭
左費軍輸從來兵法愁師老欲獻書生一得愚

其三

閩外建牙皆頗牧朝中佐治盡蕭曹我
皇允武真天授制勝如神有豹韜久見秦關消斥
堠更看閩海靜波濤點蒼憑險終難恃蠹爾游魂
何處逃

其四

風沙匝日愁難出一雨經秋市少塵隔巷有花千

萬朵攜尊招客兩三人坐來嘯詠忘朝暮可許詩
篇泣鬼神極目烽煙知漸息不妨醕酌荅良辰

己未元旦

客裏桃符插戶頻朝天難強病餘身獸樽設處遙
瞻日椒酒斟時倍憶親鄉信舊勞千里雁春衣新
點六年塵妻孥何自同歸隱且買盤餐試五辛

其二

燕市團圓弟與昆屠蘇隨俗一開尊星辰對曆年
華換兒女牽衣笑語溫靄靄烟花分綺戶暉暉梅
柳憶江村自憐病久憎酬酢爆竹聲中且杜門

人日病起

帝京人日柳烟晴強起衰顏劇自驚善病休文腰帶減多愁潘岳鬢毛生謾看風俗花栽勝漸喜陽和鳥哢聲獨把柏尊調藥物門前車馬廢逢迎

十五夜伯氏仲氏寓齋小飲

離居興淺嘯歌難劇喜兄過具晚餐陌上笙簫因夜月天涯風物漫春盤銀燈繞柱欺花豔庭樹交柯瀉影寒佳節老親應北望料期歸去理漁竿

上元後二日兄后張過寓齋小飲同伯仲氏作

帝里風光旅食新，棲遲頻失故園春。
關河形影惟兄弟，杯酒歌呼自主賓。
月上城烏清耿耿，燈移花檻碧鱗鱗。
官閒相對饒詩思，却笑金門似隱淪。

春日景山前殿侍宴應制

畫漏鑾輿出，瓊筵列翠微。
梯航蕃奉贄，千羽帝垂衣。
御馬排花立，宮鶯拂檻飛。
會看文德洽，萬國偃旌旗。

其二

琪樹千章合，春遊御苑通。
傳呼青嶂下，羅拜碧雲中。
饌賜金莖露，花含玉殿風。
無邊霄漢澤，肅肅起

卷之十二
哀鴻

上躬享

太廟恭紀

太廟崔巍鳳闕東
朱明步輦下齋宮
金爐夾道飄香霧
翠柏參天散曉風

列祖几筵神陟降
九成干羽日曈曨
侍臣扈蹕龍顏近
鵠立花陰豹尾中

喜鷹垂至

騷雅如君亦我師
喜來京國把新詩
兩年苦憶懸清夢
雙鬢驚看異昔時
話入江雲垂釣遠
愁侵燕

月落杯遲風塵不盡升沈事匣裏龍泉笑獨知

送友歸吳

知君京國念庭闈幾載雲山旅夢違此去獨尋高
士傳春歸重著老萊衣行經嶽路清鐘落家近虹
亭白練飛最羨幽居饒菽水板輿花下對芳菲

送友還鄉

憶昔吳淞別相思已十秋憐余鄉國遠喜子帝京
遊殘雪浮金闕垂楊掛玉溝春風還乍去花鳥動
離愁

其二

牢落燕臺下多君鬢未絲雲山尋白日詞賦蒼清
時幽興長鏡在雄心一劍知無邊湖海濶策馬更
何之

其三

漠漠還鄉路青山傲獨歸曉雲迷去馬春色上征
衣柳入江頭暗花經洞口飛與君期把手遲我在
漁磯

其四

忽枉瑤華贈離情滿綠蘋清樽難共汝明月向何
入草色愁邊路梅花夢裏春歸鴻無限響萬里自

相親

己未五月 瀛臺

賜宴觀蘭竝 賜蓮藕恭紀

御苑薰風滿蕤賓叶律辰 鑾輿來紫岫玉螭度
銀津臺榭皆參漢蓬壺不受塵 詔宣琪樹下簪
集鳳池人面面花圍座重重錦作茵黃封中使啓
雕几大官陳郢水簫三勒西鱗膾八珍蘭膏方入
饌湘佩更堪紉葉吐青雲濶枝含湛露均卷阿香
漠漠靈沼碧粼粼藕出水絲嫩蓮頰翠顆勻清芬
眞滿握仙液竝霑脣飲鎬何云盛遊汾未足論方

圓稠疊至寵錫再三申不覺堂簾隔懽依魚鳥親
承恩歌既醉濡翰頌堯仁

喜官軍收岳州

聞奪巴陵險長驅十萬師賊人爭棄甲叛將豎降
旗笳震湘君渚烽清柳毅祠會應宣聖德從此
蕩滇池

上步禱

天壇甘霖立霈恭紀

甘雨

皇心切園丘禮太清省刑寬赤縣虔禱蒼蒼生

曉日沈芳甸濃陰繞翠旂自天膏澤渥真徬六龍行

其二

至德穹蒼應油然萬嶺雲升壇纔靄靄潤葉已紛紛絲散天衣溼煙含野穗分豐登膽帝力擊壤九衢聞

彭義門外書所見和葉訥菴前輩韻

惘惘青門外思歸遠望時塞鴻迷故國越鳥戀南枝帶覺愁來減冠應掛去宜勞薪何日息幾度嘆征岐

送蔣莘田遷粵東少叅奉和總憲徐館師原

韻

幾疏埋輪切今看海嶠行龍墀分玉節鵬嶺駐霓旌
農苦兵前粟官催戰後耕猶存憂國淚萬里寸
心明

其二

念我同門友驪歌欲唱難春隨征憶去花到別樽
殘雙闕鳴珂隔三山拂鏡看遙知輕寶玉清比越
溪湍

郊外偶作和葉訥菴前輩原韻

郭外村烟映酒旗啼鶯處處亂遊絲春光過眼驚
奔馬世事縈心笑累棋戀主祇慚糜俸久思親嘗
愧去官遲賈生賸有憂時淚那禁臨風落路岐

道旁古松樹和葉訥菴前輩原韻

羨爾婆娑官道側獨饒霜雪歲寒多童童遠望張
青蓋謾謾徐聞響玉珂旅客解鞍欣共賞幽人挈
榼好頻過明光計日需梁棟大匠持斤意若何

獨夜咏史和葉訥菴前輩原韻

讀史蕭齋擁夜燈却悲漢季滿青蠅羣賢鉤黨嗟
何酷一掌堙江力未能漫道杜門淹歲月偏驚破

柱傲威棱當年荀爽貽書切曾畏名高諷李膺

再次前韻

喜把新詩剪夜燈學吟卑響類寒蠅觀場自分侏
儒短華國羣推哲匠能清比玉壺真皎皎風高霜
嶽自棱棱知公每念蒼生切中野鴻飛欲拊膺

橫雲山人集卷之十二